

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2015/2066****2019/EES/49/36****frá 17. nóvember 2015**

um að setja, samkvæmt reglugerð Evrópuþingsins og ráðsins (ESB) nr. 517/2014, lágmarkskröfur og skilyrði fyrir gagnkvæmri viðurkenningu á vottun einstaklinga sem annast uppsetningu, þjónustu, viðhald, viðgerðir eða úreldingu rafknúins rofbúnaðar sem inniheldur flúoraðar gróðurhúsalofttegundir eða sem endurheimta flúoraðar gróðurhúsalofttegundir úr föstum rafknúnum rofbúnaði (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 517/2014 frá 16. apríl 2014 um flúoraðar gróðurhúsalofttegundir og um niðurfellingu reglugerðar (EB) nr. 842/2006 ⁽¹⁾, einkum 12. mgr. 10. gr.,*og að teknu tilliti til eftirfarandi:*

- 1) Reglugerð (ESB) nr. 517/2014 felur í sér skuldbindingar varðandi vottun einstaklinga að því er varðar rafknúinn rofbúnað sem inniheldur flúoraðar gróðurhúsalofttegundir. Auk þess að ná yfir endurheimt nær vottunin einnig yfir uppsetningu, þjónustu, viðhald, viðgerðir og úreldingu. Reglugerð (ESB) nr. 517/2014 felur einnig í sér kröfur um innihald vottunaráætlana sem innihalda upplýsingar um viðeigandi tækni sem á að koma í staðinn fyrir eða draga úr notkun á flúorudum gróðurhúsalofttegundum og um örugga meðhöndlun slíkrar tækni.
- 2) Því er nauðsynlegt að því er varðar beitingu 10. gr. reglugerðar (ESB) nr. 517/2014 að uppfæra lágmarkskröfurnar að því er varðar umfang starfsemi og þá hæfni og þekkingu sem fjalla skal um þar sem skipulag vottunarinnar og skilyrðin fyrir gagnkvæmri viðurkenningu eru tilgreind.
- 3) Til að taka tillit til fyrirbyggjandi hæfnismats- og vottunarkerfa, einkum þeirra sem hafa verið samþykkt á grundvelli reglugerðar Evrópuþingsins og ráðsins (EB) nr. 842/2006 ⁽²⁾ sem hefur síðan verið felld úr gildi, og krafanna sem mælt er fyrir um í reglugerð framkvæmdastjórnarinnar (EB) nr. 305/2008 ⁽³⁾, ætti að fella þessar kröfur inn í þessa reglugerð eftir því sem unnt er.
- 4) Því ætti að fella reglugerð (EB) nr. 305/2008 úr gildi.
- 5) Til að aðildarríkin hafi tíma til að aðlaga vottunaráætlanir sínar þannig að þær nái yfir starfsemi í tengslum við uppsetningu, þjónustu, viðhald, viðgerðir og úreldingu rafknúins rofbúnaðar sem inniheldur flúoraðar gróðurhúsalofttegundir, sem og endurheimt úr rofbúnaði öðrum en háspennurofbúnaði sem um getur í reglugerð (EB) nr. 305/2008, þykir rétt að kröfurnar um að hafa undir höndum skírteini í samræmi við þessa reglugerð ættu að gilda frá og með 1. júlí 2017 um starfsemi í tengslum við uppsetningu, þjónustu, viðhald, viðgerðir og úreldingu rafknúins rofbúnaðar sem inniheldur flúoraðar gróðurhúsalofttegundir.
- 6) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem komið var á fót skv. 24. gr. reglugerðar (ESB) nr. 517/2014.

SAMÞYKKT REGLUGERÐ ÞESSA:

*1. gr.***Efni og gildissvið**

Með þessari reglugerð eru settar lágmarkskröfur um vottun einstaklinga sem annast uppsetningu, þjónustu, viðhald, viðgerðir eða úreldingu rafknúins rofbúnaðar, sem inniheldur flúoraðar gróðurhúsalofttegundir, eða endurheimt flúoraðra

(*) Þessi ESB-gerð birtist í Stjtið. ESB L 301, 18.11.2015, bls. 22. Hennar var getið í ákvörðun sameiginlegu EES-nefndarinnar nr. 161/2019 frá 14. júní 2019 um breytingu á II. viðauka (Tæknilegar reglugerðir, staðlar, prófanir og vottun) og XX. viðauka (Umhverfismál) við EES-samninginn (bíður birtingar).

(1) Stjtið. ESB L 150, 20.5.2014, bls. 195.

(2) Reglugerð Evrópuþingsins og ráðsins (EB) nr. 842/2006 frá 17. maí 2006 um tiltekna, flúoraðar gróðurhúsalofttegundir (Stjtið. ESB L 161, 14.6.2006, bls. 1).

(3) Reglugerð framkvæmdastjórnarinnar (EB) nr. 305/2008 frá 2. apríl 2008 um að setja, samkvæmt reglugerð Evrópuþingsins og ráðsins (EB) nr. 842/2006, lágmarkskröfur og skilyrði fyrir gagnkvæmri viðurkenningu á vottun starfsfólks sem endurheimtir tiltekna flúoraðar gróðurhúsalofttegundir úr háspennurofbúnaði (Stjtið. ESB L 92, 3.4.2008, bls. 17).

gróðurhúsalofttegunda úr föstum rafknúnum rofbúnaði, sem og skilyrði fyrir gagnkvæmri viðurkenningu á skírteinum sem gefin eru út í samræmi við kröfurnar.

2. gr.

Vottun einstaklinga

1. Einstaklingar sem annast starfsemi sem um getur í 1. gr. skulu hafa skírteini eins og um getur í 3. gr.
2. Einstaklingar sem fást við starfsemi sem um getur í 1. gr. skulu ekki falla undir kröfurnar sem mælt er fyrir um í 1. mgr. þessarar greinar að því tilskildu að þeir fullnægi eftirfarandi skilyrðum:
 - a) þeir séu á þjálfunarnámskeiði í þeim tilgangi að fá skírteini sem nær yfir viðkomandi starfsemi og
 - b) þeir annist starfsemina undir eftirliti aðila sem hefur skírteini sem nær yfir þá starfsemi og sem ber fulla ábyrgð á rétttri framkvæmd starfseminnar.

Undanþágan sem kveðið er á um í fyrstu undirgrein skal gilda á tímabilunum sem varið er í að annast starfsemina sem um getur í 1. gr. og fara ekki yfir 12 mánuði í heild.

3. Þessi reglugerð gildir ekki um starfsemi sem tengist framleiðslu og viðgerðum sem fara fram á athafnasvæði framleiðanda í tengslum við rafknúinn rofbúnað.

3. gr.

Útgáfa skírteina til einstaklinga

1. Vottunaraðili, eins og um getur í 4. gr., skal gefa út skírteini til einstaklinga sem hafa staðist bóklegt og verklegt próf og skal prófið hafa verið skipulagt af matsaðila, eins og um getur í 5. gr., og ná yfir lágmarksfærmina og -þekkinguna sem sett er fram í I. viðauka.
2. Á skírteininu skal a.m.k. eftirfarandi koma fram:
 - a) heiti vottunaraðilans, fullt nafn skírteinishafans, skírteinisnúmer og lokadagur gildistíma, ef við á,
 - b) starfsemi sem skírteinishafinn hefur heimild til að annast,
 - c) útgáfudagur og undirskrift útgefanda.
3. Handhafar skírteina, sem gefin eru út samkvæmt reglugerð (EB) nr. 305/2008, skulu teljast hæfir til að annast alla þá starfsemi sem um getur í 1. gr. og er vottunaraðila, sem um getur í 4. gr., heimilt að gefa út skírteini til aðila sem hefur réttindi og hæfi án þess að hann þurfi að endurtaka próf.

4. gr.

Vottunaraðili

1. Í landslögum skal kveðið á um vottunaraðila, eða hann tilnefndur af lögbæru yfirvaldi aðildarríkis eða öðrum þar til bærum aðilum, og skal hann hafa leyfi til að gefa út skírteini handa einstaklingum sem tengjast starfseminni sem um getur í 1. gr.

Vottunaraðilinn skal vera óhlutdrægur í störfum sínum.

2. Vottunaraðilinn skal setja og nota verklagsreglur um útgáfu skírteina, að fella þau tímabundið úr gildi og að afturkalla þau.
3. Vottunaraðilinn skal halda skrár svo unnt sé að sannreyna stöðu vottaðs einstaklings. Skrárnar skulu sýna fram á að vottunarferlið hafi farið fram á skilvirkan hátt. Skrár skulu geymdar í að minnsta kosti fimm ár.

*5. gr.***Matsaðili**

1. Matsaðili, sem tilnefndur er af lögbæru yfirvaldi aðildarríkis eða öðrum þar til bærum aðilum, skal skipuleggja próf fyrir einstaklingana sem um getur í 1. gr. Vottunaraðili, eins og um getur í 4. gr., getur einnig talist viðurkenndur matsaðili.

Matsaðilinn skal vera óhlutdrægur í störfum sínum.

2. Próf skulu skipulögð og gerð þannig að tryggt sé að þau taki til lágmarksfærninnar og -þekkingarinnar sem sett er fram í I. viðauka.

3. Matsaðilinn skal samþykkja verklagsreglur um skýrslugjöf og halda skrár svo að unnt sé að skjalfesta einstakar niðurstöður og heildarniðurstöður matsins.

4. Matsaðilinn skal tryggja að prófendur, sem falið er að sjá um próf, hafi nægilega þekkingu á viðkomandi prófunar- aðferðum og prófunarskjölum auk viðeigandi hæfni á því sviði sem prófað er úr. Hann skal einnig sjá til þess að nauðsynlegur búnaður, tæki og efni séu tiltæk fyrir verklegu prófin.

*6. gr.***Tilkynning**

1. Eigi síðar en 1. janúar 2017 skulu aðildarríkin tilkynna framkvæmdastjórninni, á sniðinu sem mælt er fyrir um í framkvæmdarreglugerð framkvæmdastjórnarinnar (ESB) 2015/2065 ⁽¹⁾, um heiti vottunaraðila fyrir einstaklinga, sem 4. gr. nær yfir, ásamt samskiptaupplýsingum um vottunaraðilana og um titla skírteina fyrir einstaklinga sem uppfylla kröfurnar í 3. gr.

2. Aðildarríkin skulu uppfæra tilkynninguna, sem lögð er fram skv. 1. mgr., með nýjum upplýsingum sem máli skipta og skulu leggja hana fyrir framkvæmdastjórnina án tafar.

*7. gr.***Skilyrði fyrir gagnkvæmri viðurkenningu**

1. Gagnkvæm viðurkenning á skírteinum, sem gefin eru út í öðrum aðildarríkjum, gildir um skírteini sem eru gefin út í samræmi við 3. gr.

2. Aðildarríkjnum er heimilt að krefjast þess að handhafar skírteina, sem gefin eru út í öðru aðildarríki, leggi fram þýðingu á skírteininu á öðru opinberu tungumáli Sambandsins.

*8. gr.***Niðurfelling**

Reglugerð (EB) nr. 305/2008 er felld úr gildi.

Líta ber á tilvísanir í niðurfelldu reglugerðina (EB) nr. 305/2008 sem tilvísanir í þessa reglugerð og skulu þær lesnar með hliðsjón af samsvörunartöflunni í II. viðauka.

*9. gr.***Gildistaka**

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Þó skal 1. mgr. 2. gr. gilda frá og með 1. júlí 2017 um einstaklinga sem fást við uppsetningu, þjónustu, viðhald, viðgerðir og úreldingu rafknúins rofbúnaðar, sem inniheldur flúoraðar gróðurhúsalofttegundir, og endurheimt flúoraðra gróðurhúsalofttegunda úr föstum rafknúnum rofbúnaði, öðrum en háspennurofbúnaði sem um getur í reglugerð (EB) nr. 305/2008.

⁽¹⁾ Framkvæmdarreglugerð framkvæmdastjórnarinnar (ESB) 2015/2065 frá 17. nóvember 2015 um ákvörðun, samkvæmt reglugerð Evrópuþingsins og ráðsins (ESB) nr. 517/2014, á sniði fyrir tilkynningar um menntunar- og vottunaráætlanir aðildarríkjanna (Stjórn ESB L 301, 18.11.2015, bls. 14).

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 17. nóvember 2015.

Fyrir hönd framkvæmdastjórnarinnar,

Jean-Claude JUNCKER

forseti.

I. VIÐAUKI

Lágmarkskröfur að því er varðar þá færni og þekkingu sem matsaðilarnir skulu prófa

Prófið, sem um getur í 1. mgr. 3. gr. og 2. mgr. 5. gr., skal vera samsett af:

- a) bóklegu prófi með einni eða fleiri spurningum, sem prófa færni eða þekkinguna, tilgreint með (B) í dálkinum „Tegund prófs“;
- b) verklegu prófi þar sem umsækjandinn skal leysa viðkomandi verkefni með viðeigandi efni, tækjum og búnaði, tilgreint með (V) í dálkinum „Tegund prófs“.

Nr.	Lágmarksþekking og -færni	Tegund prófs
1	Grunnþekking á þeim álitafnum í umhverfismálum sem skipta máli (loftslagsbreytingum, hnathlúnunarmætti), viðeigandi ákvæðum reglugerðar (ESB) nr. 517/2014 og viðeigandi framkvæmdargerðum	B
2	Eðlis- og efnafræðilegir eiginleikar og umhverfiseiginleikar SF ₆	B
3	Notkun SF ₆ í raforkubúnaði (einangrun, slökknun ljósþoga)	B
4	Gæði SF ₆ samkvæmt viðeigandi iðnaðarstöðlum	B
5	Skilningur á hönnun raforkubúnaðar	B
6	Eftirlit með gæðum SF ₆	V
7	Endurheimt SF ₆ og SF ₆ -blandna og hreinsun SF ₆	V
8	Geymsla og flutningur á SF ₆	B
9	Notkun búnaðar til endurheimtar SF ₆	V
10	Notkun þéttra borkerfa, ef nauðsyn krefur	V
11	Endurnotkun SF ₆ og mismunandi endurnotkunarflokkar	B
12	Vinna í opnum hólfum með SF ₆	V
13	Hlutleysing aukaafurða SF ₆	B
14	Vöktun á SF ₆ og tilheyrandi gagnaskráningarskylda samkvæmt landslöggjöf, löggjöf Sambandsins eða alþjóðasamningum	B
15	Fækkun á lekum og lekaprófanir	B
16	Grunnþekking á viðeigandi tækni sem á að koma í staðinn fyrir eða draga úr notkun á flúoruðum gróðurhúsalofttegundum ásamt öruggri meðhöndlun.	B

II. VIÐAUKI

Samsvörunartafla

Reglugerð (EB) nr. 305/2008	Þessi reglugerð
1. gr.	1. gr.
2. gr.	—
3. gr.	2. gr.
4. gr.	3. gr.
5. gr.	4. gr.
6. gr.	5. gr.
7. gr.	6. gr.
8. gr.	7. gr.
—	8. gr.
9. gr.	9. gr.
Viðauki	I. viðauki
—	II. viðauki